

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-668/09
Sarajevo, 09.07.2009. godine

Z A P I S N I K
10. VANREDNE SJEDNICE DOMA NARODA PARLAMENTA FEDERACIJE
BOSNE I HERCEGOVINE, održane 09. jula 2009. godine

Sjednica je počela u 16.54 nakon završetka 23. sjednice.

Sjednici je predsjedavao Stjepan Krešić, predsjedavajući Doma naroda Parlamenta Federacije Bosne i Hercegovine.

Predsjedavajući je obavijestio delegate da je Vlada Federacije dostavila Nacrt Zakona o fiskalnim sistemima pa je ova tačka predložena kao jedina tačka dnevnog reda varedne sjednice zbog značaja Zakona i velikog broja operativnih aktivnosti koje predstoje do utvrđivanja prijedloga Zakona.

Na osnovu rezultata glasanja, predsjedavajući je konstatovao da je Dom naroda, sa 34 glasa za i uz tri uzdržana glasa, usvojio sljedeći:

D N E V N I R E D

1. Nacrt Zakona o fiskalnim sistemima.

1. Nacrt Zakona o fiskalnim sistemima

Nacrt Zakona utvrdila je Vlada Federacije Bosne i Hercegovine.

Predstavnički dom Parlamenta Federacije je na 23. sjednici od 30.06.2009. godine razmatrao Nacrt Zakona i Zaključkom ga prihvatio.

Nacrt Zakona obrazložio je Hajrudin Hadžimehanović, pomoćnik federalnog ministra finansija.

Prije otvaranja rasprave, Tomo Vidović upitao je da li su ispunjeni poslovnički uvjeti za razmatranje Nacrta Zakona. Pitanje su, također, postavili Lidija Bradara, Elvira Abdić-Jelenović, Svetozar Pudarić i Igor Rajner.

Predsjedavajući Doma naroda obavijestio je delegate da je Nacrt Zakona poslan delegatima 24.06.2009. godine, te da je na molbu Vlade Federacije Zakona stavljen na dnevni red ove sjednice. Također je izjavio da radna tijela Doma naroda ne moraju održavati svoje sjednice istog dana kada Dom zasjeda.

U raspravi su učestvovali: Tomo Vidović, Lidija Bradara, Elvira Abdić-Jelenović, Svetozar Pudarić, Igor Rajner i Besim Imamović.

Pristupilo se glasanju o Nacrtu Zakona.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 31 glasom za, uz dva glasa protiv i uz četiri uzdržana glasa, prihvatio Nacrt Zakona o fiskalnim sistemima, ali je delegatkinja Mira Ljubijankić, koju su podržala dva delegata, izrazila sumnju u rezultate glasanja.

Na osnovu rezultata poimeničnog glasanja koje je obavio Izmir Hadživdić, sekretar Doma naroda, predsjedavajući je konstatovao da Dom naroda Parlamenta Federacije Bosne i Hercegovine **nije prihvatio** Nacrt Zakona o fiskalnim sistemima, jer je za glasalo 29 delegata, dva delegata su bila protiv, a devet delegate je bilo uzdržano.

* * *

Sjednica je završena u 17.47.

Transkript sjednice čini sastavni dio Zapisnika.

SEKRETAR

Izmir Hadživdić

PREDSJEDAVALAČI

Stjepan Krešić